

Janton, lo barbòt de Sent-Jan o lo horruca-mèrda.

Ne sèi pas se sabetz çò qu'es un horruca-mèrda, que voi dïser la marmaucha o l'escaribòla... Que hè partida de la familha deus barbòts de Sent-Jan, e qu'es pr'aquò que l'avèn aperat « lo Janton ».

Que'vs vau condar la soa istòria, quan se'n tornè deu son purmèr bal, tau com me la condè lo praube Peiròt Gròc, de Sòrts. Ah ! Pr'ua bèra hèsta, que n'èra estat ua. James abans, ne n'avè vist de parièra ! Qu'es vrai qu'èra novici en matèria de hèsta, e qu'èra lo son purmèr cap d'an... e tanben lo son darrèr estiu. Que sabè que s'anava morir abans la fin de l'ivèrn. Autan dïser qu'avè enquèra de viver ua eternitat de barbòt de Sent-Jan !

Lo Janton n'èra pas un barbòt ordinari, que los dròlles e podèn har virar au cap d'ua cordeta dinc a que siin estavanits de faïçon pegalhassa.

Qu'èra un barbòt de l'arròca, que disi, un barbotòt deu sable lis e deu gran só, un rasclèr d'un an de tirones d'erbeta o d'immortala, de joens arradics de videlha o de hilheron, de sodanèla bilhèu, e de tots los delicis esbarrisclats dens l'òcre deu sable de l'arròca.

Que s'avè vist, uei, devath ua arradic de panacaut, un vermiàs blanc... qui l'auré podut neurir cinc ans tendent, s'avè vivut dinc a lavetz. Que s'èra emberiat de só ! Qu'avè talament bevent mentre la hèsta que se'n tornava un chic hart, e que's trobava un chic grotesc dens lo son pelhòc blanc largament tacat d'ahèts. Ua pulsion shorda que se'u tremolava au punt de'u har pèrder lo son camin abituau.

Totun, lo Janton que's menshidava de las shigarlinas o de las sangaletas. Que sabè que ne calèva pas james s'adromir a descobèrt. Mes, aqueth jorn, que's pensava estar ua preda tròp gròssa endè las sangaletas primas qui avèn dejà pro a har dab las moscas e los bordons.

Enquèra plen deu per-hum deu jorn e deu cant de las cigalhas, que se'n vienè donc de cap ad un troish d'eishent on comptava se n'anar dromir,

Yantoun, le bousier, le foulon, ou le fouille-merde.

Je ne sais pas si vous savez ce qu'est un « fouille-merde », un bousier ou un foulon, je veux dire l'insecte ou la bestiole... Il fait partie de la famille des hannetons, des « barbots » de Saint-Jean, et c'est pour cela qu'on l'avait appelé « Yantoun ».

Je vais vous raconter son histoire, lorsqu'il s'en revint de son premier bal, telle que me la conta le défunt Pierrot Grocq, de Soorts. Ah ! Pour une belle fête, cela en avait été une. Jamais auparavant, il n'en avait vu de pareille ! C'est vrai qu'il était novice en matière de fête, et que c'était son premier anniversaire... et aussi son dernier été. Il savait qu'il allait mourir avant la fin de l'hiver. Autant dire qu'il avait encore à vivre une éternité d'insecte de la Saint-Jean !

Yantoun n'était pas un foulon ou un hanneton ordinaire, que les enfants pouvaient faire tourner au bout d'une cordelette jusqu'à ce qu'ils soient bêtement étourdis.

C'était un insecte de la dune, que dis-je, un « barbotot » du sable lisse et du grand soleil, un broutard d'un an des pousses de thym ou d'immortelle, des jeunes racines de liserons, de soldanelles peut-être, et de tous les délices éparpillés dans l'ocre du sable de la dune.

Il avait vu, aujourd'hui, sous une racine de chardon, un gros ver blanc... qui aurait pu le nourrir durant cinq ans, s'il avait vécu jusqu'alors. Il s'était enivré de soleil ! Il avait tellement bu pendant la fête qu'il rentrait un peu saoul, et qu'il se trouvait un peu grotesque dans sa tenue blanche légèrement teintée de lie de vin. Une sourde pulsion le troublait au point de lui faire perdre son chemin habituel.

Malgré tout, Yantoun se méfiait des lézards ou des « sangalettes ». Il savait qu'il ne fallait jamais s'endormir à découvert. Mais ce jour-là, il pensait être une proie trop grosse pour les lézards minces qui avaient déjà assez à faire avec les mouches et les bourdons.

Encore empli du parfum du jour et du chant des cigales, il se dirigeait donc vers une touffe d'armoise où il comptait dormir, quand...

quan...

Oc ben, quan e's va véder un cernalhàs mei gròs que los auts, verd com ua huelha, blu com lo cèu, de har paur vertadèrament !!!

Lo Janton que's destriga de cap ad un trauc escur. Ua quiraula, qui l'atendè aquí, que se l'avalè d'ua bocada. Lo cernalhàs qu'es aquí tanben, los uelhs escarabilhats. Que's cèrca lo horruca-mèrda. La quiraula que hè un sibersaut, que's geta lo cap en abans... e que s'engoleish au son torn lo cernalhàs.

E l'arròca que's damorè aquí d'on èra, calma e silenciosa.

Oui, quand il aperçoit un gros lézard, encore plus gros que les autres, vert comme la feuille, bleu comme le ciel, véritablement effrayant !!!

Yantoun se hâte vers un trou obscur. Une couleuvre, qui l'attendait là, n'en fait qu'une bouchée. Le gros lézard est là aussi, les yeux écarquillés. Il cherche le hanneton, le « fouille-merde ». La couleuvre a un sursaut, elle projette sa tête en avant... et elle avale à son tour le gros lézard.

Et la dune resta là où elle était, calme et silencieuse.